

四庫全書

史部

# 欽定四庫全書

史部

欽定續通典卷六十六

詳校官監察御史臣曹錫寶

洗馬臣王坦修覆勘

校對官編修臣余集

謄錄舉人臣李書吉

欽定四庫全書

欽定續通典卷六十六

禮嘉

鹵簿

旌旗附

元明

元崇天鹵簿中道頓遞隊象六飾以金裝蓮座香寶鞍  
韉鞞轡罽勒犂牛尾拂跋塵鉸具導者六人馭者南越

軍六人

皆弓花角唐帽緋絕銷金襖衫  
鍍金束帶烏鞞橫列而前行

次駝鼓九飾以

鍍金鉸具轡飾罽籠旗鼓纓槍馭者九人

服同馭象者  
中道相次而

行

次舍人二人

四品服騎分左  
右夾駝而行

次青衣二人

武弁青絕  
衫青勒帛

青韉執  
青杖

次清道官四人

本品  
服騎

次信幡二執者二人引護

者四人

武弁黃絕生色寶相  
花袍黃勒帛黃韉

次騾鼓六飾騾以鍍金鉸

具轡罽籠旗鼓纓槍馭者六人

服同馭  
駝者

次告止幡二執

者二人引護者四人

武弁緋絕生色寶相  
花袍紅勒帛紅韉

次傳教幡二

執者二人引護者四人

武弁黃絕生色寶相花袍  
黃勒帛黃韉並分左右

次橋

道頓遞使一人

本品服  
騎中道

舍人清道官橋道頓遞使從者

凡七人

錦帽紫襖衫小銀束帶行滕  
鞋後凡從者之服皆同此

肅稍隊金吾將軍

二人

交角幘頭緋羅繡抹額紫羅繡辟邪柄襠紅錦

次

努而騎者五人

錦帽青純生色寶相花袍銅帶綠雲韉

次稍而騎者五人

錦帽緋純生色寶相花袍銅帶朱雲韉

次纛一執者一人夾者四人護者

二人

皆錦帽紫純生色寶相花袍鍍金帶紫雲韉紫純生色寶相花袍元史無純字按與服志儀衛服

色云士卒袍制以絹純繪寶相花下文押衙四人並與此護者二人之服色同彼文云紫純生色寶相花袍知此文脫純字也

押纛官二人

皆騎本品服

次馬鼓四節如騾

鼓馭者四人

服同馭騾

次佩弓矢而騎者五人

服同執弩者

押衙

四人

騎而佩劍錦帽紫純生色寶相花袍鍍金帶雲頭韉

爆稍者四人

騎錦帽緋純生色寶

欽定四庫全書

卷六十六

相花袍銅帶朱韉爆稍元史訛爆為爆按元史輿服

志儀仗云爆稍制如節頂刻爆牛首有袋上加碧油是

爆以傳寫致錦帽紫衫次稍而騎者五人服

誤也今改正銀帶烏韉控馬八人佩

同執弩者金吾將軍押燾官從者四人服同朱雀隊舍人一

人四品服次朱雀旗一執者一人引護者四人錦帽緋

騎而前鳳花袍銅帶朱雲韉皆次金吾折衝一人交角幘頭緋

佩劍而騎護者加弓矢羅續抹額紫

羅續辟邪襴襠紅錦觀袍金帶錦膝蛇烏韉橫刀佩弓

矢而騎按元史輿服志儀衛服色云抹額制以緋羅

引寶相花原作緋絕係傳

寫訛文今據彼文改正

帥甲騎凡二十有五弩五人次

弓五人次稍五人次弓五人次稍五人

皆甲騎冠朱畫

甲青鞞甲條鍍

金環白繡汗胯束帶紅韉帶弓  
箭器仗馬皆朱甲具裝珂飾全  
舍人金吾折衝從者凡

二人

服同前隊

十二旗隊舍人一人

四品服

金吾果毅二人

交角幘頭緋羅繡抹額紫羅繡辟邪襖襠紅錦  
觀袍金帶錦膝蛇烏韉橫刀佩弓矢騎分左右

帥引旗

騎士五

皆錦帽黃緋生色寶相花袍銀帶烏韉

次風伯旗左雨師旗右雷

公旗左電母旗右執者四人

甲騎冠青畫甲青勒甲條鍍金環白繡汗胯束帶青

雲韉馬皆

青甲珂飾

次五星旗五執者五人

甲騎冠五色畫甲青勒甲條鍍金環白繡

汗胯束帶五色雲韉馬

次北斗旗一執者一人

甲騎冠紫畫甲

甲如其甲之色珂飾

青勒甲條鍍金環白繡汗胯束帶

紫雲韉馬甲如其甲之色珂飾

左右攝提旗二執者

二人

甲騎冠朱畫甲青勒甲條鍍金環白繡汗胯束帶紅雲韉馬朱甲珂飾

執副竿者二

人

騎錦帽黃紬生色寶相花袍銀帶烏韉

執稍而護者五人

騎服同執舍副竿者

人金吾果毅從者凡三人

服同前隊門旗隊舍人二人

四品服

監門將軍二人

皆交角幘頭緋羅繡抹額紫羅繡獅子衲襴紅錦襯袍金帶烏韉橫刀佩弓矢

騎馬甲珂飾全

按緋羅

元史作緋純誤今改正

次門旗二執者二人

錦帽緋純生色

獅子文袍銅革帶

引護者四人

服騎同執人而加弓矢騎

次監門校

尉二人

騎服佩同監門將軍分左右行

次鸞旗一執者一人引護者四

人

錦絹五色紬生色瑞鸞花袍束帶五色雲韉佩劍護人加弓矢皆騎

舍人監門將軍監



門校尉從者凡六人

服同前隊

雲和樂雲和署令二人

朝服騎分

左右引

前行凡十有六人戲竹二排簫四簫管二龍笛二

板二歌工四

皆展角花幘頭紫絁生色雲花袍鍍金帶紫鞵

次琵琶二十箏十

有六箏篪十有六簫十有六方響八頭管二十有八龍

笛二十有八已上工百三十有二人

皆花幘頭緋絁生色雲花袍鍍金帶

朱鞵

次杖鼓三十

工人花幘頭黃絁生色花襖紅絁生色花袍錦臂鞵鍍金帶烏鞵

次板

八

工人服色同琵琶工人

次大鼓二工十人

服色同杖鼓工人

雲和署令

從者二人

服同前隊

殿中黃麾隊舍人二人

四品

殿中侍御

史二人

本品服皆騎

次黃麾一執者一人夾者二人

騎武弁緋純生

色寶相花袍紅

勒帛紅雲鞞

舍人殿中侍御史從者凡四人

服同前隊

太

史鉦鼓隊太史一人

本品服騎引

交龍摑鼓左金鉦右昇者

四人工二人

皆武弁緋純生色寶相花袍紅勒帛紅鞞

次司辰郎一人左典

事一人右

並四品服騎

太史司辰郎典事從者三人

服同前隊

武

衛鉦戟隊武衛將軍一人

交角幘頭緋羅繡抹額紫羅繡瑞鷹柄襠紅錦褱袍錦膝

蛇金帶橫刀騎

按武衛將軍冠服與監門將軍金吾將軍畧同亦當是烏鞞史文不具

領五色繡

旛一金節八罕右單左朱雀青龍白虎幢三橫布導蓋

一中道義四武衛果毅二人

服佩同武衛將軍

釵二十戟二十

徒五十有九人

武弁緋純生色寶相花袍紅勒帛紅鞞

武衛將軍武衛果

毅從者凡三人

服同前隊

龍墀旗隊舍人二人

四品服

中郎將

二人

服佩同釵戟隊武衛將軍騎分左右

帥騎士凡二十有四人執旗者

八人天下太平旗中道中嶽帝旗左中央神旗右次日

旗左月旗右次祥雲旗二分左右次皇帝萬歲旗中道

執人皆黃純巾黃純生色寶

引者八人

青純巾青純生色寶相花袍青

相花袍黃勒帛黃雲鞞橫刀

勒帛青雲鞞

護者八人

緋純巾緋純生色寶相花袍紅勒帛紅雲鞞橫刀執弓矢

舍

人中郎將從者凡四人

服同前隊

御馬隊舍人二人

服同前隊

左

右衛將軍二人

緋羅繡抹額紫羅繡瑞馬柄襠紅錦襪袍錦膝蛇金帶烏鞞橫刀皆騎分左右

行 按前隊金吾將軍金吾折衝果毅監門將軍武衛將軍皆交角幟頭緋羅繡抹額後隊亦然此文獨不著

交角幟頭疑史志脫文

御馬十有二匹

分左右飾以纓轡鞍複

馭士控鶴二

十有四人

交角金花幟頭紅錦控鶴襖金束帶鞵鞋

次尚乘奉御二人

四品服騎

分左右行

舍人左右衛將軍從者四人

服同前隊

拱衛控鶴第一

隊拱衛指揮使二人

本品服騎分左右

帥步士凡二百五十有

二人負劔者三十人次執吾杖者五十人次執斧者五

十人次執鐙杖者六十人次執列絲骨朶者三十人

皆分

左

次攜金水瓶者一人左金盆者一人右次執列絲骨

右

朶者三十人

皆分左右皆金縷額交角幘頭青濟蘇控鶴袂塗金荔枝束帶鞢鞋拱

衛指揮使從者二人

服同前隊

安和樂安和署令二

人

本品服騎分左右行

領押職二人

弓角鳳翅金花幘頭紅濟蘇加欄袍金束帶花鞢

次

扎鼓八為二重次和鼓一中道次板二次龍笛四次頭

管二次羌笛二次笙二次簫二左右行次雲璈一中道

工二十有四人

皆弓角鳳翅金花幘頭紅錦濟蘇襖金荔枝束帶花鞢

從者二人

服同 前隊 金吾援寶隊舍人二人 四品服引 金吾將軍二人 交角幘頭

緋羅繡抹額紫羅辟邪柄襠紅錦襯袍錦膝蛇橫刀佩弓矢皆騎分左右前引 按史不著帶鞞疑當如纛稍

隊金吾將軍 駕十二重甲士一十二騎弩四次弓四次 金帶烏鞞

稍四為三重次香案二金爐合各二 分左右 舁士十有六

人侍香二人 騎而從 次典瑞使二人 本品服騎而左右引 八寶受命

寶左傳國寶右次天子之寶左皇帝之寶右次天子行

寶左皇帝行寶右次天子信寶左皇帝信寶右 每與寶盪銷金

蒙複襯複案輿紅銷 舁士八人朱團扇四人凡九十有 金衣龍頭竿結綬

六人

皆交角金花幘頭青紅錦濟蕪  
襖每與前青後紅金束帶鞵鞋

援寶三十人

交角金花

幘頭窄紫衫銷金紅汗胯  
金束帶烏鞵執金縷黑杖

次符寶郎二人

四品服騎  
分左右

次

金吾果毅二人

服佩同金吾將  
軍騎分左右

次稍四人次弓四人次

弩四人為三重舍人金吾將軍侍香典瑞使符寶郎金

吾果毅從者凡十有二人

服同前隊

殿中繖扇隊舍人二人

四品服騎  
分左右

領騎而執旗者四人日月合璧旗左五星連

珠旗右次金龍旗左金鳳旗右

黃純巾黃純生色寶相  
花袍黃勒帛黃鞵佩劍

騎而引旗者四人

青純巾青純生色寶相花袍  
青勒帛青鞵佩劍執弓矢

騎而護

旗者四人

紅純巾紅純生色寶相花袍  
紅勒帛紅鞞佩劍執弓矢

次朱團扇十有

六次小雉扇八次中雉扇八次大雉扇八為十重重四

人次曲蓋二紅方繖二次紫方繖二次華蓋二次大繖

二執者五十人

武弁紅純生色寶相  
花袍紅勒帛紅鞞

舍人從者二人

服同

前隊控鶴圍子隊圍子頭一人執骨朶由中道

交角幘頭  
緋錦濟蕪

襖鍍金荔

枝帶鞞鞋

領執圍子十有六人

分左右交角金花幘頭  
白襖肩青錦濟蕪襖鍍

金荔枝  
帶鞞鞋

次朱繖中道次金脚踏左金椅右

服如圍  
子頭拱衛

指揮使一人

本品服  
騎中道

控鶴二十人

服同

拱衛指揮使從



者二人

服同前隊

天樂一部天樂署令二人

本品服騎分左右

領

押職二人

弓角鳳翅金花幘頭紅錦濟蕪襖加欄金束帶花鞵

次琵琶二箏篴二

火不思二板二箏二胡琴二笙二頭管二龍笛一

按元制凡

前後樂部龍笛皆係偶數此獨作一者蓋龍笛與響鐵為偶適符十八人之數也

響鐵一工十

有八人徒二人

皆弓角鳳翅金花幘頭紅錦濟蕪襖鍍金束帶花鞵

控鶴第二隊

僉拱衛司事二人

本品服騎分左右

帥步士凡七十有四人執

立爪者三十有六人

分左右

次捧金杙一人左鞭桶一人

右次蒙鞞一人左繖手一人右次執立爪者三十有四

欽定四庫全書

卷六十六

人

分左右皆交角金花幘頭緋錦濟蘇襖鍍金荔枝帶鞢鞋

僉拱衛司事從者二人

服同前隊

殿中道從隊舍人二人

四品服騎左右引

香鐙案一黃銷

金盤龍衣金爐合結綬龍頭竿舁者十有二人

交角金花幘頭

紅錦濟蘇襖控鶴襖鍍金束帶鞢鞋

侍香二人

騎分左右

次警蹕三人

交角幘頭紫窄

袖衫鍍金束帶烏鞢

次舍人二人

四品服騎引

天武官二人執金錢

金鳳

翅襖鍍金鎖甲青勒甲條金環白繡汗膝金束帶馬珂飾按天武官冠服同夾輅將軍以彼文推之亦當綠

雲花鞢

次金骨朶二次幢二次節二

分左右

次金水盆左金

椅右次蒙複左副執椅右次金水瓶鹿盧左銷金淨巾

右次金香毬二金香合一

分左

次金唾壺左金唾盂右

金拂四扇十

分左

次黃繖中道繖衣從凡騎士三十人

服如警蹕加白繡汗膝

步卒四人執椅二人蒙複一人繖衣一人

服如皂香鐙

舍人天武官從者凡六人

服如前隊

控鶴第三隊拱

衛直鈐轄二人

本品服騎引

執卧爪八十人

服如第二隊

拱衛直

鈐轄從者二人

服如前隊領隊官不應無從者

按直鈐轄有本品服者係前控鶴圍子隊有

上拱衛指揮使從者二人控鶴第二隊有舍拱衛司事從者二人此處例應如之史文當有脫漏今補

導

駕官引進使二人

分左右前行

次給事中一人左起居注一

人右侍御史一人左殿中侍御史一人右次翰林學士  
一人左集賢學士一人右次御史中丞一人左同知樞  
密院事一人右次御史大夫一人左知樞密院事一人  
右次侍儀使四人中書侍郎二人黃門侍郎二人侍中

二人

皆分  
左右

次儀仗使一人左鹵簿使一人右次禮儀使

二人

分左  
右

持劈正斧一人中道次大禮使一人左太尉

一人右

皆本品  
服騎

從者三十人惟執劈正斧官從者二人

服同  
前隊

羽林宿衛舍人二人

四品服  
前行

次羽林將軍二人

交角

幘頭緋羅繡抹額紫羅繡瑞鷹柄襜紅錦襯袍  
錦膝蛇金帶烏鞞橫刀佩弓矢皆騎分左右  
領宿衛

騎士二十人執骨朶六人次執短戟六人次執斧八人

皆弓角金鳳翅幘頭紫袖細  
綢緋線襖束帶烏鞞橫刀  
舍人羽林將軍從者凡四

人服同  
檢校官  
分布中道之外外仗之內  
按檢校官

博士一人皆朝服騎同檢校官  
則此處檢校官之有騎可知  
頓遞隊監察御史二人

本品  
次轟稍隊循仗檢校官二人次朱雀隊金吾中郎

將二人  
皆交角幘頭緋羅繡抹額紫羅繡辟邪柄襜  
紅錦襯袍錦膝蛇金帶烏鞞佩儀刀加弓矢  
次

十二旗隊兵部侍郎二人  
本品  
次門旗隊糾察儀仗官

二人

本品服

次雲和樂部金吾將軍二人

騎服佩如金吾中郎將

知

隊仗官二人

本品服

次武衛釵戟隊監察御史二人

本品服

次外道左右牙門巡仗監門中郎將二人

交角幘頭緋羅繡抹額紫

羅繡獅子襴襠紅錦襯袍錦  
膝蛇金帶烏鞞佩儀刀弓矢

次金吾援寶隊兵部尚書

二人次循仗檢校官二人次殿中繖扇隊監察御史二

人次禮部尚書二人

皆本品服

次園子隊知隊仗官二人次

金吾大將軍二人

服佩同金吾將軍各爆稍從

次殿中導從隊糾察

儀仗官二人次循仗檢校官二人次羽林宿衛隊左點

檢一人左右點檢一人右

紫羅繡瑞麟柄襦  
餘同金吾大將軍

領大黃龍

負圖旗二執者二人夾者八人

騎錦帽五色純中五色  
純生色雲龍袍塗金束

帶五色雲鞞佩劍夾  
者加弓矢並行中道控鶴外外仗內前後檢校仗內知

班六人

展角幘頭紫窄衫  
塗金束帶烏鞞

承奉班都知一人太常博士

一人

皆朝服騎

同檢校官前後巡察宿直將軍八人

服佩同  
左右點

檢按宿直將軍  
亦當有騎史失之

夾輅檢校三衛陪輅隊誕馬二匹

珂飾

纓轡  
青履

乘黃令二人

本品服  
分左右

次殿前將軍二人

交角幘頭  
緋羅繡抹

額紫羅繡辟邪柄襦  
袍錦勝蛇金帶烏鞞橫刀騎

玉輅太僕卿馭

本品服

千牛

大將軍駢乘

交角幘頭紅抹額繡瑞牛柄襜紅錦視袍錦膝蛇金帶烏鞞橫刀

左右衛

將軍

服如千牛大將軍惟柄襜繡瑞虎文陪輅輅馬六匹

珂飾纓轡青少

卒凡八十有二人馭士四人駕士六十有四人行馬二

人踏道八人推竿二人托义梯並一人

皆平巾青幘青繡雲龍花袍塗

金束帶青鞞

教馬官二人進輅職長二人

皆本品服

夾輅將軍二

人

金鳳翅兜牟金鎖甲條環繡汗胯金束帶綠雲花鞞按夾輅將軍不云佩及騎蓋史失之

青氍

水扇二次千牛備身二人

皆分左右交角幘頭緋羅繡抹額紫羅繡瑞牛柄襜紅錦

視袍金帶烏鞞橫刀佩弓矢

按從千牛備身後者有騎則千牛備身有騎可知不云騎者史失之獻官



二人殿中監六人內侍十人

皆本品朝服  
騎分左右

千牛備身後

騎而執弓矢者十人尚衣奉御四人尚食奉御二人尚

藥奉御二人

皆騎本品服

次腰輿黃紵絲銷金雲龍蒙複步

卒凡十有三人舁八人道扇四人黃繖一人

皆交角金花幟頭紅

濟蕪控鶴襖  
金束帶鞬鞋

尚舍奉御二人

騎左

尚輦奉御二人

騎右朝服

皆

從者三十有四人

服同前隊

大神牙門旗隊都點檢一人

騎交

角幟頭  
錦觀袍 緋羅繡抹額紫羅繡瑞麟襖褶紅  
按都點檢不云帶鞬亦史失之

次監門大將

軍二人

分左右騎服如都點檢惟襖褶紫繡獅文

門凡三重親衛郎將帥甲

士分左右夾輅而陣繞出輅後合執氅者二為第一門  
翊衛郎將帥護尉夾親衛而陣繞出輅後合為第二門  
監門校尉二人騎左右衛大將軍帥甲士執五色龍鳳  
旗夾護尉而陣繞出輅後合牙門旗二為第三門監門

校尉二人主之

服色詳見外仗

雲和樂後部雲和署丞二人

本品

服騎分左右

領前行戲竹二排簫二簫管二歌工二凡十人

皆騎花幘頭紫絕生色花袍塗金帶烏鞞按凡十人  
句史或有誤雲和署丞二人係領部官當不在數內此  
下戲竹排簫簫管歌工各二數之僅八人非十人也前  
有雲和署令二人其戲竹二排簫四簫管二龍笛二板

二歌工四凡十有六人而署令二人不與則此處十人不當連署在內也此處或排簫誤四為二或歌工誤四為二或誤八人為十人皆未可知今仍史原文而闕其疑

次琵琶四第四笙篪四

纂四頭管六方響二龍笛六杖鼓十工四十人

皆騎服同上惟

純色

從者二人

服同前隊

後黃麾隊元武幢一絳麾二徒三

人

皆武弁紫純生色龜雲花袍紫羅勒帛紫

次黃麾執者一人夾者二人

皆騎

豹尾一執者一人夾者二人

皆騎武弁紫純生色寶相花袍紫勒帛紫

韞元武黑甲掩後隊金吾將軍一人

騎中道交角幘頭鮮羅繡抹額紫羅

繡辟邪兩襦紅錦視袍金帶錦膝蛇烏韞佩刀

後衛指揮使二人

騎分左右服同各衛指揮

使

帥甲騎五十有七人元武旗一執者一人夾者二人

小金龍鳳黑旗二執者二人

皆黑兜牟金飾黑甲條環汗胯束帶韉帶弓矢器仗

馬黑金色獅子甲珂飾

按此與下稍四

稍四十人弩

十人弩十人俱云條環

汗胯蓋從省文

十人

黑兜牟黑甲條環汗胯束帶韉帶弓矢器仗馬黑甲珂飾

執衛司掇稍二人

錦帽

紫絕生色辟邪文袍鍍金帶烏韉

從者三人

服同前隊

外仗金鼓隊金鼓

旗二執者二人引護者八人

皆五色袍五色絕中生色寶相花五色袍五色勒帛韉佩劍

引護者如弓矢分左右

次折衝都尉二人

交角幘頭緋羅繡抹額紫羅繡辟邪柄襠紅錦

視袍金帶錦膝蛇騎

按不云佩韉者史失之

帥步士

凡百二十人鼓鉦皆二十四人

並黃純巾黃純生色寶相花袍黃勒帛黃鞞

角二十四人

紅純巾紅純生色寶相花袍紅勒帛紅鞞

車輻棒長刀皆二十

四人

並金飾青兜牟青甲條環白繡汗袴束帶青雲靴

清游隊舍人二人

四品服騎

尊按史不言從者脫文

金吾折衝二人

交角幘頭緋羅繡抹額紫羅繡辟邪柄襜紅錦襯袍

金帶錦膝蛇橫刀佩弓矢駢分左右

按金吾折衝果毅服色畧同金吾將軍此及折衝都尉史不云烏鞞者

脫

帥步士凡百有十人白澤旗二執者二人引護者八

人次執弩次執稍次執弓次執稍次執弓並二十人

皆甲

騎冠金飾綠畫甲條環白繡汗袴束帶綠雲鞞佩弓矢器仗馬金飾朱畫甲珂飾分左右

飲飛隊鐵

甲仗飛執稍者十有二人

甲騎冠鐵甲珂飾

佩弓矢器仗馬按史不言條環

汗膝帶鞞者脫文

次金吾果毅二人

交角幘頭緋羅繡抹額紫羅繡辟邪衲襦紅錦襯袍

金帶錦膝蛇橫刀弓矢騎

次虞候仗飛執弩二十人

錦帽紅絁生色寶相花袍塗金

帶烏鞞 父仗隊領軍將軍二人

交角幘頭緋羅繡抹額紫羅繡白澤衲襦紅錦襯袍

金帶錦膝蛇烏鞞橫刀騎

帥步士五十人執父執叉並二十五人

錯分

左右皆五色絁生色中寶相花五色袍五色勒帛五色雲頭鞞

領軍將軍從者二人諸

衛馬前隊舍人二人

四品服

左右衛郎將二人

交角幘頭緋羅

繡抹額紫羅繡瑞馬衲襦紅錦襯袍金 帶錦膝蛇烏鞞橫刀佩弓矢騎分左右 帥騎士百五十

有六人前辟邪旗應龍旗次玉馬旗三角旗次黃龍負

圖旗黃鹿旗次飛麟旗馭馭旗次鸞旗鳳旗次飛黃旗

麒麟旗

皆分

執旗十有二人

生色黃袍  
中勒帛韉

引旗十有二人

服同執人  
惟袍色青

護旗十有二人

生色紅袍  
中勒帛韉

執弓六十人

錦帽  
青純

生色寶相花袍  
塗金帶烏韉

執稍六十人

服如執弓者  
惟袍色紅

每旗弓五稍

五從者四人

服同  
前隊

二十八宿前隊舍人二人

四品服  
騎導

領

軍將軍二人

紫羅繡白澤  
前隊左右衛  
即將皆騎

帥步士百十有二

人井鬼柳星張翼軫旗在左參甯畢昴胃婁奎旗在右

執旗十有四人

生色黃袍  
巾勒帛韉

引旗十有四人

服如執人惟  
袍巾色青

護旗十有四人

服如執人惟  
袍巾色紅

從以執刀盾者二十人弓

矢者三十人殯者二十人

皆五色氍毹甲條環白  
繡汗巾束帶五色雲韉

舍人

領軍將軍從者四人

服同  
前隊

領軍黃麾仗前隊舍人二人

四品服  
騎導

領軍將軍二人

服佩如二十八宿前隊  
領軍將軍騎分左右

帥步士

凡一百五十人絳引旂十次龍頭竿繡斄十次江

皆分  
左右

瀆旗

左濟瀆旗

次小戟十次弓十

皆分  
左右

次南方神旗

左

西方神旗

右

次鎧十次綠滕絡盾加刀十

皆分  
左右

次南



嶽帝旗

左

西嶽帝旗

右

次龍頭竿斃十次朱滕絡盾加

刀十

皆分  
左右

次南天王旗

左

西天王旗

右

次小戟十次弓

十

皆分  
左右

次龍君旗

左

虎君旗

右

次鎗十次綠滕絡盾加

刀十

皆分  
左右

執人一百三十人

武升五色生色寶  
相花袍勒帛韉

引旗十

人

青絕生色寶相花  
袍青絕巾勒帛韉

護旗十人

服同惟袍  
巾色紅

受仗後隊領

軍將軍二人

騎

帥步士凡五十人受二十有五又二十

有五

錯分左右服  
佩同前隊

左右牙門旗隊監門將軍二人

騎紫  
羅繡

獅子衲襦餘如受仗領軍將軍之服佩  
按紫羅繡獅子衲襦史脫羅字今補入

次牙門旗四

每旗執者一人引夾者二人

並黃純巾黃純生色寶相花袍黃勒帛黃雲韉皆騎

次監門校尉二人

騎服佩同監門將軍

從者四人

服同前隊

左右青龍

白虎隊舍人二人

四品服騎導

領軍將軍二人

服佩同受仗隊之領軍將

軍騎分左右

帥甲士凡五十有六人

騎

青龍旗左執者一人

夾者二人從以執弩五人弓十人稍十人

皆冠青甲騎青鐵甲青條

金環束帶白繡汗袴青雲韉

白虎旗右執者一人夾者二人從以執

弩五人弓十人稍十人

皆冠白甲騎白鐵甲青條金環束帶白繡汗袴白雲韉舍

人領軍將軍從者四人

服同前隊

二十八宿後隊舍人二人

四品服  
騎導

領軍將軍二人

騎分  
左右

帥步士百十有二人角亢氏房心

尾箕旗在左璧室危虛女牛斗旗在右執旗凡十四人引者

護者各十四人從以執刀盾二十人弓矢三十人攢盾二十

人舍人領軍將軍從者四人

執夾引從服  
佩皆同前隊

諸衛馬後隊

舍人二人

四品服  
騎導

左右衛果毅都尉二人

服佩如前隊  
左右衛郎將

騎分左右

按左右衛果毅都尉及黃麾後隊之領軍  
將軍不云服色疑當與前隊同然例當書曰服佩如前

隊其官史文  
脫漏今補之

帥衛士百五十有六人角觜旗赤熊旗兕

旗太平旗驪騶旗騶牙旗犀牛旗鷄鷄旗蒼鳥旗白狼

旗龍馬旗金牛旗

皆分  
左右

舍人左右衛果毅都尉從者四

人

執夾引從服  
佩同前隊

左右領軍黃麾後隊舍人二人

四品服  
騎導

領軍將軍二人

服佩如前隊領軍  
將軍騎分左右

帥步士百六十人龍

頭氅十次朱滕絡盾加刀十

皆分  
左右

次吏兵旗

左

力士旗

右

次小戟十次弓十

皆分  
左右

次東天王旗

左

北天王旗

右

次鎧十次綠滕絡盾加刀十

皆分  
左右

次東嶽帝旗

左

北嶽

帝旗

右

次龍頭竿氅十次朱滕絡盾加刀十

皆分  
左右

次東

方神旗

左

北方神旗

右

次小戟十次弓十

皆分  
左右

次淮瀆

旗左河瀆旗右次鏗十次綠滕絡盾加刀十皆分左右次絳

引旂十皆分左右掩後舍人領軍將軍從者四人執夾引從服

執夾下舊脫引從二字今補入蓋前隊步士一百五

十人為執者百三十八并引者護者各十人也後隊執

者增多十人故為步士百六十人如關引字則少十人

與百六十人不符又從者四人不服佩執夾等八服

佩書於從者四人之下則執左右衛儀刀班劍隊舍人

夾引從四者同服佩可知

二人四品服左右衛中郎將二人交角幘頭緋羅繡抹額紫羅繡瑞馬兩轡

騎導

紅錦襯袍錦膝蛇金帥步士凡四十人班劍二十人儀

帶烏鞞騎分左右

刀二十人並錦帽紅絕生色寶相舍人左右衛中郎將

花袍塗金束帶烏鞞

從者四人

服同前隊

供奉宿衛步士隊供奉中郎將二人

交角

幘頭緋羅纁抹額紫羅纁瑞馬柄褱紅錦襯袍錦腰蛇金帶烏韉橫刀佩弓矢騎分左右

帥步士凡

五十有二人執短戟十有二人執列絲十有二人次

又戟十有二人次斧十有六人

分左右夾玉路行皆弓角金鳳翅幘頭紫袖細

褶辮線襖塗金帶烏韉

親衛步士隊親衛郎將二人

服同供奉中郎將騎分左右

右帥步士凡百四十有八人執龍頭竿斨四人次小戟

十人次斨二人次儀鎧十人次斨二人次小戟十人次

斨二人次儀鎧十人次斨二人次小戟十人次斨二人

次儀鎧十人次氅二人次小戟十人次氅二人次儀鎧

十人次氅二人次小戟十人

皆分左右

夾供奉宿衛隊次氅

二人次儀鎧十人次氅二人折繞宿衛隊後而合其端

為第一門

士皆金兜半甲青條金環綠雲鞵

翊衛護尉隊翊衛郎將二

人服同親衛即將騎

即護尉騎士百有二人

皆交角金花幞頭窄袖紫衫紅銷金

汗跨塗金束帶烏鞵執金裝骨朶分左右

夾親衛隊行折繞隊後而合其端

為第二門左右衛甲騎隊左右衛大將軍二人

服如翊衛郎將

帥騎士百人執青龍旗五人青鳳旗五人赤龍旗五

人赤鳳旗五人次黃龍旗五人黃鳳旗五人次白龍旗

五人白鳳旗五人次黑龍旗五人黑鳳旗五人次五色

鳳旗二十五五色龍旗二十五

皆分左右

曲繞輅後合牙門

旗為第三門

士皆冠甲騎冠金飾朱畫甲青條鍍金環白繡汗胯紅鞞佩弓矢器仗馬青金毛獅

子甲珂飾

左衛青甲隊左衛指揮使二人

騎服紫羅繡雕虎柄襠餘同左右衛

大將軍

帥騎士三十有八人執大青龍旗二人大青鳳旗

二人小青龍旗二人小青鳳旗二人

分左右

從以持青稍

者三十人

皆青兜牟金飾青畫甲青條塗金環白繡汗胯束帶鞞佩弓矢器仗馬青金毛獅子甲珂



飾折繞陪門前衛赤甲隊前衛指揮使二人

騎服佩同左衛指揮

使帥騎士凡四十有八人執大赤鳳旗三人大赤龍旗

三人小赤鳳旗二人小赤龍旗二人

分左右

從以持朱稍

者三十有八人

皆朱氈牟金飾朱畫甲條環白繡汗

從

者二人

服同前隊

折繞陪門中衛黃甲隊中衛指揮使二人

騎服同前衛指揮使

帥騎士凡五十有八人執大黃龍旗者三人

大黃鳳旗者三人小黃龍旗三人小黃鳳旗三人

分左右

從以持黃稍者四十有六人

皆黃氈牟金飾黃畫甲條環白繡汗

矢器仗馬  
黃甲珂飾

從者二人

服同前隊

折繞陪門右衛白甲隊右衛

指揮使二人

騎服同中衛指揮使

帥騎士凡七十有四人執大白

鳳旗四人 大白龍旗四人 小白鳳旗三人 小白龍旗三

人

分左右

從以持白稍者六十人

皆白兜牟金飾白畫甲條環白繡汗胯束帶鞬

佩弓矢器仗馬白甲珂飾

從者二人

服同前隊

折繞陪門牙門四監門中

郎將二人

服佩同各衛指揮使騎分左右

次左衛次前衛次中衛次右

衛牙門旗各二色並赤監門校尉各二人

騎服佩同各衛之執旗者

從者十人

服同前隊

元儀仗旗錡制十字木於下上四枝交拱置竅於其上以樹旗漆以朱

按錡即坐也又扇錡制如梔形小六木拱於上而制作精於旗錡並漆以朱

風伯旗青質赤火燄脚畫神人犬首朱髮鬼形豹汗勝朱袴負風囊立雲氣中雨師旗青質赤火燄脚畫神人冠五梁冠朱衣黃袍黑襴黃帶白袴皂舄右手仗劔左手捧鐘雷公旗青質赤火燄脚畫神人犬首鬼形白擁項朱犢鼻黃帶右手持斧左手持鑿運連鼓於火中電母旗青質赤火燄脚畫神人為女子形纁衣朱裳白袴

兩手運光金星旗素質赤火燄脚畫神人冠五梁冠素  
衣皐欄朱裳秉圭水星旗黑質赤火燄脚畫神人冠五  
梁冠皐衣皐欄綠裳秉圭木星旗青質赤火燄脚畫神  
人冠五梁冠青衣皐欄朱裳秉圭火星旗赤質青火燄  
脚畫神人冠五梁冠朱衣皐欄綠裳秉圭土星旗黃質  
赤火燄脚畫神人冠五梁冠黃衣皐欄綠裳秉圭攝提  
旗赤質赤火燄脚畫神人冠五梁冠素中單黃衣朱蔽  
膝綠裳仗劔北斗旗黑質赤火燄脚畫七星角宿旗青

質赤火燄脚畫神人為女子形露髮朱袍黑欄立雲氣  
中持蓮荷外仗角亢以下七旗並青質青火燄脚角宿  
旗繪二星下繪蛟亢宿旗青質赤火燄脚畫神人冠五  
梁冠素衣朱袍皐欄皐帶黃裳持黑等子外仗繪四星  
下繪龍氏宿旗青質赤火燄脚畫神人冠小冠衣金甲  
朱衣綠袍肚朱擁項白袴左手仗劍乘一鰲外仗繪四  
星下繪貉房宿旗青質赤火燄脚畫神人烏巾白中單  
碧袍黑欄朱蔽膝黃帶黃裙朱舄左手仗劍外仗繪四

星下繪兔心宿旗青質赤火燄脚畫神人冠五梁冠朱袍阜襪右手持杖外仗繪三星下繪狐尾宿旗青質赤火燄脚畫神人冠束髮冠素衣黃袍朱裳青帶右手仗劍左手持弓外仗繪九星下繪虎箕宿旗青質赤火燄脚繪神人烏巾衣淺朱袍阜襪仗劍乘白馬於火中外仗繪四星下繪豹斗宿旗青質赤火燄脚畫神人被髮素腰裙朱帶左手持杖外仗斗牛以下七旗並黑質黑火燄脚斗宿繪六星下繪獬牛宿旗青質赤火燄脚畫

神人牛首皐欄黃裳皐舄外仗繪六星下繪牛女宿旗  
青質赤火燄脚畫神人烏牛首衣朱服皐欄黃帶烏鞞  
左手持蓮外仗繪四星下繪龜虛宿旗青質赤火燄脚  
畫神人被髮裸形坐於甕中右手持一珠外仗繪二星  
下繪鼠危宿旗青質赤火燄脚畫神人虎首金甲衣朱  
服豹皮汗胯青帶烏鞞外仗繪三星下繪燕室宿旗青  
質赤火燄脚畫神人了髮朱服乘舟水中外仗繪二星  
下繪猪壁宿旗青質赤火燄脚繪神人為女子形被髮

朱服皐襴綠帶白裳烏舄外仗繪二星下繪獮奎宿旗  
青質赤火燄脚畫神人狼首朱服金甲綠包肚白汗胯  
黃帶烏鞞仗劍外仗奎婁以下七旗並素質素火燄脚  
奎宿繪十六星下繪狼婁宿旗青質赤火燄脚繪神人  
烏巾素衣皐袍朱蔽膝黃帶綠裳烏舄左手持烏牛角  
右手仗劍外仗繪三星下繪狗胃宿旗青質赤火燄脚  
繪神人被髮裸形披豹皮白腰裙黃帶右手持劍外仗  
繪三星下繪雉昂宿旗青質赤火燄脚繪神人黃牛首



朱服皐欄黃裳朱舄左手持如意外仗繪七星下繪鷄  
畢宿旗青質赤火燄脚繪神人作鬼形朱褌持黑杖乘  
赤馬行於火中外仗繪八星下繪烏觜宿旗青質赤火  
燄脚繪神人冠緇布冠朱服皐欄綠裳持一蓮坐於雲  
氣中外仗繪三星下繪猴參宿旗青質赤火燄脚繪神  
人被髮衣黃袍綠裳朱帶朱舄左手持珠外仗繪十星  
下繪猿井宿旗青質赤火燄脚繪神人烏巾素衣朱袍  
皐欄坐於雲氣中左手持蓮外仗井鬼以下七旗並朱

質赤火燄脚井宿繪八星下繪犴鬼宿旗青質赤火燄  
脚繪神人作女子形被髮素衣朱袍黃帶黃裳烏舄右  
手持杖外仗繪五星下繪羊柳宿旗青質赤火燄脚繪  
神人作女子形露髻朱衣黑襴黃裳皐舄撫一青龍外  
仗繪八星下繪麋星宿旗青質赤火燄脚繪神人冠五  
梁冠淺朱袍皐襴青帶黃裳烏舄持黃稱外仗繪七星  
下繪馬張宿旗青質赤火燄脚繪神人衣豹皮朱帶素  
鞞右手仗劍坐雲氣中外仗繪六星下繪鹿翼宿旗青

質赤火燄脚繪神人冠道冠皐袍黃裳朱蔽膝仗劍履  
火於雲中外仗繪二十二星下繪蛇軫宿旗青質赤火  
燄脚繪神人冠道冠衣朱袍黃帶黃裳左手持書外仗  
繪四星下繪蚓日旗青質赤火燄脚繪日於上奉以雲  
氣月旗青質赤火燄脚繪月於上奉以雲氣祥雲旗青  
質赤火燄脚繪五色雲氣合璧旗青質赤火燄脚繪雲  
氣日月連珠旗青質赤火燄脚繪五星東嶽旗青質赤  
火燄脚繪神人冠七梁冠黃欄青袍綠裳白中單素蔽

膝執圭南嶽旗赤質青火燄脚繪神人冠七梁冠黑襪  
緋袍綠裳黃中單朱蔽膝執圭中嶽旗黃質赤火燄脚  
繪神人冠七梁冠皁襪黃袍綠裳白中單朱蔽膝執圭  
西嶽旗白質赤火燄脚繪神人冠七梁冠青襪白袍緋  
裳白中單素蔽膝執圭北嶽旗黑質赤火燄脚繪神人  
冠七梁冠紅襪皁袍綠裳白中單素蔽膝執圭江瀆旗  
赤質青火燄脚繪神人冠七梁冠青襪朱袍跨赤龍河  
瀆旗黑質赤火燄脚繪神人冠七梁冠皁襪黃袍跨青

龍淮漬旗素質赤火燄脚繪神人冠七梁冠阜襴素袍  
乘青鯉濟漬旗青質赤火燄脚繪神人冠七梁冠阜襴  
青袍乘一鼈天下太平旗赤質青火燄脚錯采為字皇  
帝萬歲旗赤質青火燄脚錯采為字吏兵旗黑質赤火  
燄脚繪神人具甲兜鍪綠臂鞬仗劍力士旗白質赤火  
燄脚繪神人武士冠緋袍金甲汗胯阜履執戈盾東天  
王旗青質赤火燄脚繪神人武士冠衣金甲緋襖襠右  
手執戟左手捧塔履石南天王旗赤質青火燄脚繪神

人冠服同前西天王旗白質赤火燄脚繪神人冠服同  
前北天王旗黑質赤火燄脚繪神人冠服同前大神旗  
黃質黃火燄脚

詳見牙門旗下

牙門旗赤質赤火燄脚繪神人

冠武士冠鎧甲緋裱襠觀肩包脚汗胯束帶長帶大口  
袴執戈戟金鼓旗黃質黃火燄脚書金鼓字朱雀旗赤  
質赤火燄脚繪朱雀其形如鸞元武旗黑質黑火燄脚  
繪龜蛇青龍旗青質赤火燄脚繪蹲龍白虎旗白質赤  
火燄脚繪蹲虎龍君旗青質赤火燄脚繪神人冠通真

冠服青繡衣白裙朱履執戟引青龍虎君旗白質赤火  
燄脚繪神人冠流精冠服素羅繡衣朱裙朱履執斬蛇  
劍引白虎大黃龍負圖旗青質青火燄脚繪複身黃龍  
背八卦小黃龍負圖旗赤質青火燄脚繪複身黃龍背  
八卦五色龍旗五色質五色直脚無火燄大四色龍旗  
青赤黃白四色質具火燄脚小四色龍旗制同大四色  
直脚無火燄應龍旗赤質赤火燄脚繪飛龍金鸞旗赤  
質青火燄脚繪鸞而金色鸞旗制同前而繪以五采金

鳳旗赤質青火燄脚繪鳳而金色鳳旗制同前而繪以  
五采五色鳳旗五色質五色直脚無火燄大四色鳳旗  
青赤黃白四色質火燄脚色隨其質繪鳳小四色鳳旗  
制同前直脚無火燄玉馬旗赤質青火燄脚繪白馬兩  
膊有火燄馱馱旗赤質赤火燄脚繪白馬飛黃旗赤質  
赤火燄脚形如馬色黃有兩翼驪騶旗青質青火燄脚  
繪獸形如馬白首虎文赤尾龍馬旗赤質青火燄脚繪  
龍馬麟旗赤質青火燄脚繪麒麟飛麟旗赤質青火燄



脚繪飛麟其形五色身朱翼兩角長爪黃鹿旗赤質青  
火燄脚繪獸如鹿而色深黃兕旗赤質青火燄脚繪獸  
似牛一角青色犀牛旗赤質青火燄脚繪犀牛金牛旗  
赤質青火燄脚繪獸形如牛金色白狼旗赤質青火燄  
脚繪白狼辟邪旗赤質赤火燄脚繪獸形似鹿長尾二  
角赤熊旗赤質赤火燄脚繪獸如熊色黃三角獸旗赤  
質赤火燄脚繪獸其首類白澤綠髮三角青質白腹跋  
尾綠色角规旗赤質赤火燄脚繪獸如羊而小尾頂有

欽定四庫全書

卷六十六

二十八

獨角騶牙旗赤質青火燄脚繪獸形似麋齒前後一齊  
太平旗赤質青火燄脚金描蓮花四上金書天下太平  
字鷄鶡旗赤質青火燄脚繪鳥似山鷄而小冠背黃眼  
赤項綠尾紅蒼烏旗赤質青火燄脚繪鳥如烏而色蒼  
白澤旗赤質赤火燄脚繪獸虎首朱髮而有角龍身東  
方神旗綠質赤火燄脚繪神人金兜牟金鎧甲仗劍已  
四旗所繪神同西方神旗白質赤火燄脚中央神旗黃質赤火  
燄脚南方神旗赤質青火燄脚北方神旗黑質赤火燄

脚凡立仗諸旗各火燄脚三條色與質同長一丈五尺  
杠長二丈一尺牙門太平萬歲質長一丈橫濶五尺日  
月龍君虎君橫豎並八尺餘旗並豎長八尺橫濶六尺

臣等按宋元豐三年詳定禮文所言二十八宿五  
星攝提旗有司乃取方士之說繪畫人形及牛虎  
頭之類於禮無據伏請改製各著其象以則天文  
從之今攷元制二十八宿旗其外仗則旗上各繪  
六十星之象其下則繪角蛟亢龍之類內仗猶沿

宋初之制繪畫人形如方士所說惜未有以元豐之制正之者

明制皇帝儀仗太祖吳元年十二月中書左相國李善長率禮官以即位禮儀進是日清晨拱衛司陳設鹵簿列甲士於午門外之東西列旗仗於奉天門外之東西龍旗十二分左右用甲士十二人北斗旗一纛一居前豹尾一居後俱用甲士三人虎豹各二馴象六分左右布旗六十四門旗日旗月旗青龍白虎風雲雷雨江河

淮濟旗天馬天祿白澤朱雀元武等旗木火土金水五

星旗五嶽旗熊旗鸞旗

按明會典諸書俱載熊旗鸞旗此處失載

及二十八宿旗各六行每旗用甲士五人內一人執旗

旗下四人執弓弩設五輅於奉天門外玉輅居中左金

輅次革輅右象輅次木輅俱並列丹墀左右布黃麾仗

黃蓋華蓋曲蓋紫方纈紅方纈雉扇朱團扇羽葆幢豹

尾龍頭竿信旗傳教幡告止幡絳引幡戟麾戈麾儀鎧

麾等各三行丹陛左右陳幢節響節金節燭籠青龍白

虎幢班劍吾杖

按明會典作梧杖  
今依明史作吾杖

立瓜卧瓜儀刀鐙杖

戟骨朶朱雀元武幢等各三行殿門左右設圓蓋一金

交椅金脚踏金水盆金水罐團黃扇紅扇皆校尉擎執

洪武元年十月定元旦朝賀儀金吾衛於奉天門外分

設旗幟宿衛於午門外分設兵仗衛尉寺於奉天殿門

及丹陛丹墀設黃麾仗內使監擎執於殿上凡遇冬至

聖節冊拜親王及蕃使來朝儀俱同其宣詔赦降香則

惟設奉天殿門及丹陛儀仗殿上擎執云其陳布次第

午門外刀盾叉各置於東西甲士用赤奉天門外中  
道金吾宿衛二衛設龍旗十二分左右用青甲士十二  
人北斗旗一纛一居前豹尾一居後俱用黑甲士三人  
虎豹各二馴象六分左右左右布旗六十四左前第一  
行門旗二每旗用紅甲士五人內一人執旗旗下四人  
執弓箭第二行月旗一用白甲士五人內一人執旗旗  
下四人執弩青龍旗一用青甲士五人內一人執旗旗  
下四人執弩第三行風雲雷雨旗各一每旗用黑甲士

五人內一人執旗旗下四人執弓箭天馬白澤朱雀旗各一每旗用紅甲士五人內一人執旗旗下四人執弓箭第四行木火土金水五星旗各一隨其方之色每旗

用甲士五人內一人執旗旗下四人執弩其甲木青火

紅土黃金白水黑熊旗鸞旗各一

按明會典諸書俱載熊旗黑旗此處失載

黑旗或係史志脫落

每旗用紅甲士五人內一人執旗旗下四人

執弩第五行角亢氐房心尾箕旗各一每旗用青甲士

五人內一人執旗旗下四人執弓箭第六行斗牛女虛



危室壁旗各一每旗用青甲士五人內一人執旗旗下  
四人執弩右前第一行門旗二每旗用紅甲士五人內  
一人執旗旗下四人執弓箭第二行日旗一用紅甲士  
五人內一人執旗旗下四人執弩白虎旗一用白甲士  
五人內一人執旗旗下四人執弩第三行江河淮濟旗  
各一隨其方之色每旗用甲士五人內一人執旗旗下  
四人執弓箭其甲江紅河白淮青濟黑天祿白澤元武  
旗各一每旗用甲士五人內一人執旗旗下四人執弓

箭天祿白澤紅甲元武黑甲第四行東南中西北五嶽  
旗各一隨其方之色每旗用甲士五人內一人執旗旗  
下四人執弩其甲東嶽青南嶽紅中嶽黃西嶽白北嶽  
黑熊旗麟旗各一每旗用紅甲士五人內一人執旗旗  
下四人執弩第五行奎婁胃昂畢觜參旗各一每旗用  
青甲士五人內一人執旗旗下四人執弓箭第六行井  
鬼柳星張翼軫旗各一每旗用青甲士五人內一人執  
旗旗下四人執弩奉天門外拱衛司設五輅玉輅居中

左金輅次革輅右象輅次木輅俱並列典牧所設乘馬  
於文武樓之南各三東西相向丹墀左右布黃麾仗凡  
九十分左右各三行左前第一行十五黃蓋一紅大繖  
二華蓋一曲蓋一紫方繖一紅方繖一雉扇四朱團扇  
四第二行十五羽葆幢二豹尾二龍頭竿二信幡二傳  
教幡二告止幡二絳引幡二黃麾一第三行十五戟  
五戈五儀鎗五右前第一行十五黃蓋一紅大繖  
二華蓋一曲蓋一紫方繖一紅方繖一雉扇四朱團扇

四第二行十五羽葆幢二豹尾二龍頭竿二信幡二傳  
教幡二告止幡二絳引幡二黃麾一第三行十五戟  
五戈五儀鎗五皆校尉擎執丹陛左右拱衛司陳  
幢節等仗凡九十分左右為四行左前第一行響節十  
二金節三燭籠三第二行青龍幢一班劍三吾杖三立  
瓜三卧瓜三儀刀三鐙杖三戟三骨朶三朱雀幢一右  
前第一行響節十二金節三燭籠三第二行白虎幢一  
班劍三吾杖三立瓜三卧瓜三儀刀三鐙杖三戟三骨

三元武幢一皆校尉擎執奉天殿門左右拱衛司陳設  
左行圓蓋一金脚踏一金水盆一團黃扇三紅扇三右  
行圓蓋一金交椅一金水罐一團黃扇三紅扇三皆校  
尉擎執殿上左右內使監陳設左拂子二金唾壺一金  
香合一右拂子二金唾盂一金香爐一皆內使擎執和  
聲郎陳樂於丹墀文武官拜位之南後禮部增設丹墀  
儀仗黃繖華蓋曲蓋紫方繖紅方繖各二雉扇紅團扇  
各四羽葆幢龍頭竿絳引傳教告止信幡各六戟斨戈

鼙鐙各十成祖永樂元年禮部言鹵簿中宜有九龍車一乘請增置帝以禮貴得中過為奢不及為儉當遵用舊豈可輒有損益以啟後世之侈九龍車既先朝所無宜仍舊三年增定儀仗肅靖旗二金鼓旗二金龍書角二十四鼓四十八金四金鉦四杖鼓四笛四板四白澤旗二門旗八黃旗四十金龍旗十二日月旗二風雲雷雨旗四木火金水土星旗五列宿旗二十八北斗旗一東嶽旗一南嶽旗一中嶽旗一西嶽旗一北嶽旗一

江淮河濟四清旗四青龍旗一白虎旗一朱雀旗一元  
武旗一天鹿旗一天馬旗一鸞旗一麟旗一熊旗一羆  
旗一紅纛二皂纛一紅節二小銅角二大銅角二纓頭  
一豹尾一麾一戲竹二簫十二笙十二龍笛十二頭管  
十二方響四簾八琵琶八箜篌八杖鼓三十六板四大  
鼓二弓矢百御杖六十誕馬二十四領頭十二黃麾二  
絳引旛十傳教旛十告止旛十信旛十龍頭竿十豹尾  
四儀鎧氅二十戈氅二十戟氅二十單戟六龍戟六班

劍六吾杖六立瓜六卧瓜六儀刀六金鐙六金鉞六骨  
朶六羽葆幢十青龍幢一白虎幢一朱雀幢一元武幢  
一響節二十四金節六方天戟二十四鳴鞭四金馬杌  
一金交椅一金脚踏一金水盆一金水罐一金香爐一  
金香合一金唾盂一金唾壺一拂子四紅紗燈籠十二  
紅油紙燈籠六魴燈六紫羅素方傘四紅羅素方傘四  
紅羅直柄華蓋繡傘四紅羅曲柄繡傘四黃羅直柄繡  
傘四紅羅直柄繡傘四黃羅直柄繡傘二

全銀

鈴

青羅銷



金傘三紅羅銷金傘三黃羅銷金傘三白羅銷金傘三  
黑羅銷金傘三黃油絹銷金雨傘一紅羅繡花扇十二  
紅羅繡雉方扇二紅羅單龍扇十黃羅單龍扇十紅羅  
雙龍扇二十黃羅雙龍扇二十紅羅素扇二十黃羅素  
扇二十壽扇二黃羅銷金九龍傘一黃羅曲柄繡九龍  
傘一仗馬六硃紅馬杌四鞍籠二金銅玲瓏香爐一寶  
匣一板轎一步輦一大涼步輦一大馬輦一小馬輦一  
玉輅一大輅一黃帳房一宣德元年增定鹵簿儀仗有

具服幄殿一座金交椅一金脚踏一金盆一金罐一金  
馬杌一鞍籠一金香爐一金香合一金唾盂一金唾壺  
一御杖二擺錫明甲一百副盔一百弓一百箭三千刀  
一百其執事校尉每人鶩帽濟蘇衣銅帶鞞履鞋一副  
凡常日奉天門早朝則設丹陛駕於午門外及金水橋  
南祇用單龍戟六雙龍戟六班劍六吾杖六儀刀六立  
瓜六卧瓜六鐙杖六金鉞六骨朶六單龍扇二十雙龍  
扇二十黃蓋繖二黃曲柄繖二五方繖五鳴鞭四弓矢

五十副

按常朝儀明史志所載未備今依明會典諸書參輯

明制鹵簿儀仗前後增置詳畧不同而旌旗之制亦遞有更定焉肅旗黃質上濶七尺二寸下三尺二寸黑字硃漆攢竹竿長八尺二寸下有鐵積靖旗制與肅旗同但用靖字金鼓旗黃質濶一丈二尺五寸下七尺紅金鼓二字硃漆攢竹竿長一丈四尺九寸內貼金木鎗頭長一尺五寸八分上節紅纓下有鐵積金龍畫角木質黑漆金為飾上節寶相花中節纏身單龍雲文下節八

寶雙海馬鼓四十八木匡加紅油冒以革面徑一尺七寸匡畫寶相花面畫雙獅綵毬金四以銅為之徑一尺七寸金鉦四銅質竹匡用紅綆繫鉦於匡鉦徑九寸五分杖鼓四木匡細腰匡兩頭加黑漆餞金雲龍文鐵圈二皆冒以革附於匡聯以紅絨綆加銅龍頭鈎子以青絨匾條懸之笛四截竹為之六竅長一尺六寸板四鐵力木板各六貫以青綵組各長一尺一寸上濶一寸九分下濶二寸五分白澤旗三紅質四旁加黃欄赤火燄

間綵脚傍竿加紅腰綵織白澤飛狀及雲文旗上旁有  
素額織白澤二青字旗身黃欄火鯁長六尺六寸廣二  
尺九寸揭以硃漆攢竹竿長一丈三尺六寸九分內貼  
金木鎗頭長一尺三寸五分飾以紅纓攢用鐵一青質  
但織白澤為走狀餘同前制凡繡旗欄脚腰額并字色  
竿纓攢制皆同惟黃旗北斗旗稍異門旗紅質中織金  
為門字餘同白澤制黃旗四十黃質上廣八尺下四尺  
硃漆攢竹竿長一丈一尺三寸五分內貼金木鎗頭長

一尺三寸五分上飾紅纓下有鐵襪金龍旗十二青質  
織金雲龍文額織龍旗二字日旗青質織為日紅色及  
日字月旗青質織為月白色及月字風旗青質織箕星  
四及風字雲旗青質織五色雲文及雲字雷旗青質織  
雷文五及雷字雨旗青質織畢星八附耳一星在旁及  
雨字木星旗青質織木星一及木字火星旗赤質織火  
星一及火字土星旗一黃質織土星一及土字金星旗  
白質織金星一及金字水星旗黑質織水星一及水字

角宿旗青質織角宿二及角字亢宿旗青質織亢宿四  
及亢字氐宿旗青質織氐宿四及氐字房宿旗青質織  
房宿四鈎連二小星在旁及房字心宿旗青質織心宿  
三及心字尾宿旗青質織尾宿九神容小星一及尾字  
箕宿旗青質織箕宿四及箕字斗宿旗青質織斗宿六  
及斗字牛宿旗青質織牛宿六及牛字女宿旗青質織  
女宿四及女字虛宿旗青質織虛宿二及虛字危宿旗  
青質織危宿三及危字又四星在下室宿旗青質織室

宿二及室字又六星在旁壁宿旗青質織壁宿二及壁  
字奎宿旗青質織奎宿十六及奎字婁宿旗青質織婁  
宿三及婁字胃宿旗青質織胃宿三及胃字昂宿旗青  
質織昂宿七及昂字畢宿旗青質織畢宿八及畢字附  
耳一星在旁觜宿旗青質織觜宿三及觜字參宿旗青  
質織參宿七及參字又四小星在左足下三星在內井  
宿旗青質織井宿八及井字又一星在旁鬼宿旗青質  
織鬼宿四及鬼字柳宿旗青質織柳宿八及柳字星宿



旗青質織星宿七及星字張宿旗青質織張宿六及張  
字翼宿旗青質織翼宿二十二及翼字軫宿旗青質織  
軫宿四及軫字又一星在中左右二星在旁北斗旗黑  
質黃欄黑腰火燄間綵脚織北斗星七及北斗二字又  
一星在旁東嶽旗一青質織綵為山形及東嶽二字南  
嶽旗赤質織山形及南嶽二字中嶽旗黃質織山形及  
中嶽二字西嶽旗白質織山形及西嶽二字北嶽旗黑  
質織山形及北嶽二字江旗赤質織水文及江字河旗

白質織水文及河字淮旗青質織水文及淮字濟旗黑  
質織水文及濟字青龍旗黑質織青龍形雲文及青龍  
二字白虎旗白質織白虎形雲文及白虎二字朱雀旗  
赤質織朱雀形雲文及朱雀二字元武旗黑質織龜蛇  
形雲水文及元武二字天鹿旗赤質織天鹿形雲文及  
天鹿二字天馬旗赤質織天馬形雲文及天馬二字鸞  
旗赤質織鸞形雲文及鸞字麟旗赤質織麟形雲文及  
麟字熊旗赤質織熊形雲文及熊字羆旗赤質織羆形

雲文及羆字紅纛朱竹竿長一丈三尺九寸用鼈牛尾  
染紅簇為纛上施抹金銀寶蓋用圍瓷珠絡建於竿下  
有鐵攢阜纛與紅纛制同但用黑鼈牛尾抹金銅寶蓋  
紅節朱竹竿抹金銀寶珠頭用鼈牛尾染紅簇成如圓  
斗大凡四層每層上施抹金銀頂周圍綴瓷珠絡建於  
竿下有鐵攢竿長同紅纛黃麾硃竹竿長一丈二尺五  
寸內龍頭鈎一尺銜抹金銅圈懸抹金銅頂四角紅羅  
寶蓋高七寸五分圍二尺七寸五分用以綠羅腰黃羅


三簷銷金雲龍文中垂大紅羅襜長六尺三寸廣五寸五分襜上節綵繡荷葉蓋蓮花座其中青羅額金書黃麾二字中節描金雙升龍下節描金雲日丈襜下綴五色橫板絳引襜十制同黃麾但用五色羅為襜不加金繡三簷用紫無額并字傳教襜十制同黃麾但額用黃羅繡青傳教二字中描金升降雲龍無下節雲日三簷用綠龍頭銜銅佩四銅鈴三十二其銅佩俱抹金告止襜十制同黃麾但額用黃羅繡青告止二字描金升降

鸞鳳雲文三簷用青銅佩鈴如傳教之數信幡十制同黃麾但用黃羅額繡青信字描金升降雙雲龍與傳教同但三簷用黃銅佩鈴如傳教之數

臣等謹案明鹵簿之制凡正旦冬至聖節會同冊

封遣祭諸典禮皆錦衣衛陳之其儀仗則兵部車駕司掌之其造作則工部營繕司掌之其旌旗之制亦多與前代不同昉於洪武增定於永樂更造於宣德初以鹵簿彌文務從節省後隨時增飾較

初制為備茲攷明史明會典及明集禮所載備著  
於篇以見勝代儀衛之大畧云



欽定續通典卷六十六







# 欽定四庫全書

史部

欽定續通典卷六十七

詳校官監察御史<sub>臣</sub>曹錫寶

洗馬<sub>臣</sub>王坦修覆勘

校對官編修<sub>臣</sub>余集

謄錄舉人<sub>臣</sub>李堂

欽定四庫全書

欽定續通典卷六十七

禮  
嘉

養老

五代

宋

遼

金

元

明

後唐莊宗同光元年四月制曰諸道管內有高年踰百  
歲者便與給復永俾除名自八十至九十者與一子免  
役州縣不得差徭

晉高祖天福二年四月詔天下百姓有年八十以上者

與免一丁差徭仍令逐處簡署上佐官

宋制養老於太學皇帝服通天冠絳紗袍乘金輅至太學酌獻文宣王三祭酒再拜歸御幄比車駕初出量時刻遣使迎三老五更於其第老更俱朝服乘安車導從至太學就次國老庶老有司預戒之各服朝服集於其次大樂正帥工人二舞入立於庭東上百官宗室客使學生等以次入就位太常博士贊三老五更出次引國老庶老立於後重行異位禮直官通事舍人引左輔奏

請中嚴少頃又奏外辦皇帝出大次侍衛如常儀大樂  
正令撞黃鐘之鐘右五鐘皆應宮架乾安之樂作皇帝  
即御座樂止典儀曰再拜在位官皆再拜三老五更杖  
而入各左右二人夾扶太常博士前引史臣執筆以從  
老更入門宮架和安之樂作至宮架北北面立東上奉  
禮郎引羣老隨入位於其後樂止博士進揖三老在前  
五更在後仍杖夾扶宮架和安之樂作至西階下樂止  
博士引老更自西階升堂國老庶老立於堂下老更當

御座揖羣老亦揖皇帝為興奉禮郎揖國老升博士引  
老更奉禮郎揖國老以下各於席後立典儀贊各就坐  
贊者承傳宮架尊安之樂作三老五更就坐三公授几  
九卿正履訖殿中監尚食奉御進珍羞及黍稷等先詣  
御座前進呈遂設於三老前樂止尚食奉御詣三老座  
前執醬而饋訖尚醢奉御詣酒尊所取爵酌酒奉於三  
老次太官良醢令以次進珍羞酒食於五更羣老之前  
皆食大樂正引工人升登歌奏惠安之樂三終史臣記

錄三老所論善言善行宮架作申安之樂憲言成福之  
舞畢文舞退作受成告功之舞畢三老以下降筵博士  
引老更當御座前奉禮郎引羣老復位俱揖皇帝為興  
老更降階至堂下宮架和安之樂作出門樂止禮直官  
通事舍人引左輔前奏禮畢退復位典儀贊拜訖皇帝  
降座太常卿導還大次百僚以次退車駕還宮三老五  
更升安車導從還翼日詣闕表謝太宗淳化四年二月  
召賜京城高年帛百歲者一人加賜塗金帶真宗咸平

二年十一月賜京城父老衣帛十二月駐蹕澶州賜澶州父老錦袍茶帛大中祥符三年閏二月詔赤縣父老本府宴犒年九十者授攝官賜粟帛終身八十者爵一級

遼聖宗統和十六年六月詔婦人年踰九十者賜物太平四年二月詔賜諸宮分耆老食

金世宗大定二十五年四月詔會寧府百姓年七十以上者補一官九月次希沙河賜百歲老嫗帛

元成宗大德九年六月詔賜高年帛八十者一匹九十者二匹親年七十別無侍丁者從近遷除

時立皇子德壽為皇太子

順帝至正元年十二月詔民年八十以上者蒙古人賜繒帛二表裏其餘州縣旌以高年耆德之名免其家雜役

明太祖洪武元年詔民年七十以上者許一丁侍養與免雜泛差役五年詔中外學宮行養老之禮十九年詔所在有司審耆老不係隸卒倡優年八十九十鄰里稱



善者備其年甲行實具狀奏聞貧無產業者八十以上月給米五斗肉五斤酒三斗九十以上歲加給帛一匹絮五斤雖有田產僅足自贍者所給酒肉絮帛亦如之其應天鳳陽二府富民年八十以上賜爵里士九十以上賜爵社士皆與縣官平禮並免雜差正官歲一存問著為令世宗嘉靖中祭酒呂柟據開元禮參定視學養老儀注歲季春之月擇吉日行養老禮有司先奏定三師三少致仕者用德行年高一人為三老次一人為五

更三品上下年德高卽者為羣老併開具致政之老與其孤姓名事狀以聞前期一日祭先師孔子遣官行禮如丁祭儀又設先老位於廟門前至日黎明鼓徵警衆設六佾駕出宮至太學傳制迎三老五更於其第老更俱朝服乘安車導從如常儀擇史官二人充惇史朝服從之其羣老及致政之老則有司先戒之宿於太學以俟駕至太學堂上命官釋奠於先老禮畢太常卿導帝入御幄易冠服出升御座執大圭協律郎跪俯伏舉麾

金奏姑洗之均樂止太常卿導三老五更皆杖各二人  
夾扶惇史執筆以從自西階升堂帝與揖遜欲拜三老  
五更去杖攝齊皆稽首遜辭帝不果拜乃揖就座老更  
皆坐三公授几九卿正履進珍羞及黍稷等帝省之遂  
設於老更前工升歌鹿鳴三終太常卿引帝詣三老座  
前以大圭授侍臣執醬而饋訖有司以次進珍羞酒食  
於五更前又設酒食於羣老前太常卿引帝詣酒尊所  
取爵贊酌酒訖引詣三老座前執爵而酌訖帝即座三

老以下皆坐光祿卿進酒上飲酒三老以下坐食飲酒  
各三爵笙入三終光祿卿進加饔羹飲酒各三爵間歌  
三終三老乃論父子君臣長幼之道治政之要五更飲  
亦如之帝俱虛躬聽受惇史錄之乃大合六樂羽舞大  
韶以雲門咸池合之干舞大武以大夏大濩合之帝興  
冕而總干三老以下皆興稽首遜辭帝復即座三老以  
下皆復坐飲酒各三爵樂九變畢太常卿跪奏樂闋致  
政之老與其孤館於門外者飲食畢皆入侍制命有司

曰養爾老幼毋違朕命三老以下趨出賜三老五更龍衣冠帶牢醴綵帛其餘帛衣米肉三老以下序立於庭皆拜三稽首興分班序立有司奏禮畢駕還宮明日三老率五更以下詣闕表謝

按呂柟詳定儀注  
明世迄不果行

異姓為後議 宋

宋張栻曰原民之生與萬物並於天地之間父天而母地本一而已而於其身莫不有父母之親兄弟之愛以至於宗支之屬釐分縷析血脉貫通分雖殊而本實一

此性之所具而天之所為也聖人有作立姓以別其系  
嚴宗以謹其承亦因夫性之自然理之所不可易者而  
已苟強離其所系而合於其所不可合是豈性也哉是  
故神不歆非祀民不祀非族以此防民而春秋之時猶  
有身為諸侯而立異姓以涖祭祀如鄫子之為者聖人  
書之曰莒人滅鄫謂其先無血食之理也豈不深切著  
明哉

讀時令

唐

宋

唐德宗貞元六年制四孟月迎氣之日令所司宣讀時  
令文宗太和八年六月中書門下奏天寶後盛典久廢  
請來年正月依舊禮讀時令命太常撰儀注

宋仁宗景祐四年三月詔五月朔行入閣之儀仍讀時  
令先是詔國朝時令委編修官約唐月令撰定以備宣  
讀於是賈昌朝等采國朝律歷典禮日度昏曉中星及  
祠祀配侑諸事當以歲時施行者改定一篇上之遂詔  
因入閣行其禮後亦不果行徽宗初建明堂禮制局請

御明堂正南向之位布政則隨月而御堂又請以每歲十月於明堂受新歷退而頒之郡國政和七年詔頒朔布政自十月為始是月一日帝御明堂平朔左个頒天運政治及八年戊辰歲運歷數於天下自是每月御明堂布是月之政先是羣臣五上表請負宸聽朝詔勿允至是復再請始從之十一月一日帝御明堂南面以朝百辟退坐於平朔頒政其禮百官朝服立明堂下乘輿自內殿出負斧扆坐大晟樂作百官朝於堂下大臣升



階進呈所頒時令左右丞一員跪請付外施行宰相承制可之左右丞乃下授頒政官頒政官受而讀之訖出閤門奏禮畢百官乃退自是以為常宣和元年蔡京言周觀治象於正月之始和以十二月頒告朔於邦國皆不在十月後世以十月者祖秦朔故也今請以季冬頒歲運於天下詔自今以正月旦進呈宣讀四年二月太常王黼編類明堂頒朔布政與詔書條例氣令應驗凡六十二冊上之欽宗靖康元年罷頒朔布政

元正冬至受朝賀

朔望朝參及常朝日附  
五代 宋 遼 金 元 唐

唐文宗開成元年正月詔以入閣日次對官班退立於東階松樹下須宰臣奏事畢齊至香案前各言本司事左右起居又待次對官奏事畢方出武宗會昌二年中書門下奏元日御含元殿百官就列惟宰相及兩省官皆於未索扇前立欄檻內及扇開便侍立於御前三朝大慶萬邦稱賀唯宰相侍臣同介冑武夫竟不拜至尊而退酌於禮意事未得中請御殿日昧爽宰相兩省官

對班於香案前俟扇開通事贊宰相兩省官再拜訖升  
殿侍立從之昭宣帝天祐二年十二月勅漢宣帝中興  
五日一聽朝歷代通規永為常式近代不循舊儀輟隳  
制度須守舊規以循定制宜每月只許一五九日開延  
英計九度其入閣日仍於延英日一度指揮如有大段  
公事中書門下具膀子奏請開延英不計日數付所司  
時又勅宮嬪女職本備內任近年以來稍失儀制宮人  
出內宣命家御參隨侍朝乃失舊規須為永制今後每  
遇延英坐朝日只令小黃門祇候引從宮  
人不得擅出內門庶循典儀免至紛雜

後唐莊宗同光元年十二月中書門下奏每日常朝百官皆拜獨兩省官不拜准本朝故事朝退於廊下賜食謂之廊飡百僚遂有謝食拜惟兩省官本省有厨不赴廊飡故不拜竊以終日趨朝曾不一拜獨於班列有所異同未為合禮若言官是近臣尤宜肅敬今後逐日常朝除職事官押班不拜外其兩省官與東西兩班並齊拜從之二年正月庚子朔帝袞冕御明堂殿受朝賀太常樂左右金吾仗六軍諸衛如常儀明宗天成元年十

一月癸亥日南至帝御文德殿百僚稱賀三年十月中

書奏按貞元四年中書侍郎李泌奏冬至日受朝賀請

準元日從之十一月癸酉冬至帝御崇元殿受朝賀仗

衛如式

天成元年五月勅本朝舊日趨朝官置待漏院候子城門開便入立班如遇不坐前一日晚便

宣來日兩衙不坐其日纔明開門立班便宣不坐百官各退歸司近年以來雖遇不坐正殿或是延英對宰臣

或是內殿親決機務所司不循舊制往往及辰已之時尚未放班今後若遇不坐日未御內殿前便令閣門使

宣不坐放朝退班

長興元年二月郊祀畢勅宜放兩日朝參以

百官行事之勞故也五月詔諸州得替防禦團練使刺

史並宜於班行比擬如未有員闕可隨常叅官逐日立班

晉高祖天福二年正月甲寅朔帝御文明殿受文武百僚朝賀四年十二月禮官奏歲正旦王公上壽皇帝舉酒奏元同之樂再飲三飲並奏文同之樂三飲訖羣臣再拜樂奏大同蕤賓之鐘左右皆應是月又奏正旦宮懸歌舞未全且請雜用九部雅樂歌聲坊法曲從之五年冬十一月冬至帝御崇元殿受朝賀始用二舞帝舉

觴奏元同之樂登歌奏文同之樂舉食文舞歌昭德之舞武舞歌成功之舞少帝開運元年十一月吏部侍郎張昭遠奏文武常參官每日於正衙立班閤門使宣不坐後百僚俱拜舊制惟押班宰相押樓御史通事舍人各緣提舉贊揚所以不隨庶官俱拜自唐天成末議者不悉朝儀遽違舊典請依天成三年以前禮例施行殿中侍御史賈元珪奏通事舍人居贊導之職押樓御史當糾察之司一則示於紀綱一則防於謬誤俾令不拜

雅合其宜宰相押班儀型文武統冠羣僚所宜列拜不得比贊導之職糾察之司致乖禮意帝從之

周太祖廣順三年正月壬子朔帝御崇元殿羣臣朝賀樂縣仗衛如常儀班退太祖御永福殿羣臣百僚稱觴獻壽舉教坊樂世宗顯德四年二月詔文武百僚起今後每遇入閣日宣賜廊食八月乙卯帝御崇元殿文武百官入閣如儀既罷賜百官廊食時帝御廣德殿西樓以觀命中黃門閱視酒饌無不腆



宋承前代之制以元日五月朔冬至行大朝會之禮太

祖建隆二年正月朔始受朝賀於崇元殿

按崇元殿宋史作崇文殿

今據通考輯

服袞冕設宮縣仗衛如儀仗退羣臣諸王太后

宮門奉賀帝常服御廣德殿羣臣上壽用教坊樂五月

朔受朝賀於崇元殿帝服通天冠絳紗袍宮懸儀仗如

元會儀乾德三年冬至受朝賀於文明殿四年冬至朝

元殿受朝畢常服御大明殿羣臣上壽始用雅樂登歌

二舞羣臣酒五行而罷太宗淳化三年正月朔命有司

約開元禮定上壽儀皆以法服行禮設宮懸萬舞酒三  
行而罷仁宗天聖四年十二月詔明年正月朔先率百  
官赴會慶殿上皇太后壽畢乃受朝天安殿仍令太常  
禮院修定儀制五年正月朔曉漏未盡二刻宰臣百官  
與遼使諸軍將校並常服班會慶殿內侍請皇太后出  
殿後幄鳴鞭升座又詣殿後皇帝幄引皇帝出帝服韞  
袍於簾內北面褥位再拜跪稱賀訖詣皇太后御座稍  
東內給侍酌酒授內謁者監進帝帝却就褥位跪奏謹

上千萬歲壽再拜還幄通事舍人引百官橫行典儀贊再拜舞蹈起居太尉升自西階稱賀訖宰臣以下進壽酒皆再拜宣徽使承旨宣羣臣升殿再拜升及東西廂坐酒三行侍中奏禮畢退樞密使以下迎乘輿於長春殿起居稱賀百官就朝堂易朝服班天安殿朝賀帝服袞冕受朝既賀更服通天冠絳紗袍稱觴上壽止舉四爵乘輿還內恭謝太后如常禮神宗元豐元年詔龍圖閣直學士史館修撰宋敏求等詳定正旦御殿儀注其制

元正冬至大朝會有司設御座於大慶殿東西房於御座之左右少北東西閣於殿後百官宗室客使次於朝堂之內外五輅先陳於庭兵部設黃麾仗於殿之內外大樂令展宮架之樂於橫街南鼓吹令分置十二案於宮架外協律郎二人一位殿上西階之前楹一位宮架西北俱東向陳輿輦御馬於龍墀繖扇於沙墀貢物於宮架南

冬至不設貢物

餘則列大慶門外陳布將士於街左右

金吾六軍諸衛勒所部列黃麾大仗於門及殿庭百僚

客使等俱入朝文武常參官朝服陪位官公服近仗就陳於閣外大樂令樂工協律郎入就位中書侍郎以諸方鎮表案給事中以祥瑞案俟於大慶門之左右

冬至不設

給事中位祥瑞案

諸侍衛官各服其器服輦出至西閣降輦符

寶郎奉寶詣閣門奉迎百官客使陪位官俱入就位侍中版奏中嚴又奏外辦殿上鳴鞭宮懸撞黃鐘之鐘右五鐘皆應內侍承旨索扇扇合帝服通天冠絳紗袍御輿出協律郎舉麾奏乾安樂鼓吹振作帝出自西房降

輿卽座扇開殿下鳴鞭協律郎偃麾樂止爐烟升符寶  
郎奉寶置御座前中書侍郎給事中押表案祥瑞案入  
詣東西階下對立百官宗室及遼使班分東西以次入  
正安樂作就位樂止押樂官歸本班起居畢復案位三  
師親王以下及御史臺外正任遼使俱就北向位典儀  
贊在位者皆再拜起居訖太尉將升中書令門下侍郎  
俱降至西階下立  
凡太尉行則樂作至位樂止太尉詣西階下解劔  
脫烏升殿中書令門下侍郎各於案取所奏文詣褥位

解劒脫烏以次升分東西立以俟太尉詣御座前北向

跪奏文武百僚太尉具官臣某等言元正啟祚萬物咸

新

冬至改為畧運推移日南長至

伏惟皇帝陛下應乾納祐與天同休

俛伏興降階佩劒納烏

餘官準此

還位在位官俱再拜舞蹈

三稱萬歲再拜侍中進當御座前承旨退臨階西向稱

制宣答曰履新之慶

冬至易曰履長之慶

與公等同之贊者曰拜

舞蹈三稱萬歲橫行官分班立中書令門下侍郎升詣

御座前各奏諸方鎮表及祥瑞訖戶部尚書就承制位

俛伏跪奏諸州貢物請付所司禮部尚書奏諸蕃貢物  
如之司天監奏雲物祥瑞請付史館侍中進當御座前  
奏禮畢殿上承旨索扇殿下鳴鞭宮懸撞蕤賓之鐘左  
五鐘皆應協律郎舉麾宮懸奏乾安樂鼓吹振作帝降  
座御輿入自東房扇開偃麾樂止侍郎奏解嚴百官退  
還次客使陪位官並退有司設食案大樂令設登歌殿  
上二舞入立於架南預坐當升殿者位御座前文武相  
向異位重行北上非升殿者位於東西廊下尚食奉御



設壽尊於殿東楹少南設站於尊南加爵一有司設上下羣臣酒尊於殿下東西廂侍衛官及執事者各立其位仗衛仍立俟上壽百官立班如朝賀儀侍中版奏中嚴外辦帝御輿出東房儀如前光祿卿詣橫街南跪奏具官臣某請允羣臣上壽興侍中承旨稱制可少退光祿卿再拜復位三師以下皆拜舞三稱萬歲太尉升殿詣壽尊所北向尚食奉御酌御酒一爵授太尉搢笏執爵詣御前跪進帝執爵太尉出笏俛伏興少退跪奏文

武百僚太尉具官臣某等稽首言元正首祚

冬至云天  
正長至

臣等不勝大慶謹上千萬歲壽俛伏興降復位在位者  
皆再拜如前侍中承旨退西向宣曰舉公等觴在位者  
再拜如前北向班分東西序立太尉自東階侍立舉第  
一爵和安樂作飲畢樂止太尉受虛爵復於北降階三  
師以下贊拜舞蹈如上儀侍中進奏侍中具官臣某言  
請延公王等升殿降復位承旨稱有制在位者皆再拜  
宣曰延公王等升殿皆再拜詣東階升立於席後尚食

奉御進酒殿中監進第二爵登歌作甘露之曲飲訖殿  
中監受爵樂止羣臣升殿就橫行位舍人曰各賜酒羣  
臣皆再拜舍人曰就坐太官令行酒搢笏受酒宮懸作  
正安之樂文舞入立宮架北觴行一周樂止尚食奉御  
進食又設羣官食作盛德升聞之舞三成止出殿中監  
進第三爵羣臣立於席後登歌作嘉禾之曲飲訖樂止  
殿中監受虛爵就行酒如上儀作正安之樂武舞進觴  
又行一周樂止尚食奉御進食又設羣官食作天下大

定之舞三成止出殿中監進第四爵登歌作靈芝之曲  
其禮如第三爵太官令行酒如第二爵又一周樂止舍  
人曰可起百僚立於席後侍中進跪奏禮畢俛伏興與  
羣官俱降階復位羣官皆再拜如儀皇帝還閣有司承  
旨放仗羣臣再拜退其常朝之制文武官每日赴文明  
殿正衙常參宰相一人押班五日起居即崇德長春二  
殿中書門下為班首其長春殿常朝則內侍省都知押  
班太祖建隆三年詔內殿起居日令百官以次轉對限

三人為定其封章於閣門通進復鞠躬自奏宣徽使承  
旨宣答拜舞而出真宗天禧四年十月中書門下言唐  
朝故事五日一開延英隻日視事隻日不坐方今中外  
晏寧政刑清簡望準舊事三日五日一臨軒聽政隻日  
視事隻日不坐除急大事須面對外餘並令中書樞密  
院附奏詔禮儀院詳定隻日視事或於長春殿或於承  
明殿應內殿起居日羣臣並依常日起居餘如中書門  
下之議俄又請隻日承明殿常朝依假日便服視事不

鳴鞭詔可神宗元豐三年

按禮志作熙寧六年今據通考輯

引進使李

端慤言近朔望御文德殿視朝初寒盛暑數煩清蹕而紫宸朝歲中罕御請朔日御文德既望坐紫宸庶幾正衙內殿朝儀並舉從之高宗紹興十四年九月有司言明年正旦朝會請權以文德殿為大慶殿合設黃麾大仗五千二十七人欲權減三分之一合設八寶座於御座之東西及登歌宮架樂舞諸州諸蕃貢物行在致仕官諸路貢士舉首並令立班詔從之明年正旦御殿受

朝賀如儀

遼正旦朝賀儀臣僚並諸國使昧爽入朝奏班齊皇帝  
升殿坐契丹舍人殿上通訖引契丹臣僚東洞門入引  
漢人臣僚並諸國使西洞門入合班舞蹈五拜鞠躬平  
身引親王自東階上殿就欄內褥位俛伏跪自通銜  
臣某等祝壽訖下殿復位舞蹈五拜鞠躬宣徽使稱有  
勅班首以下聽制訖再拜鞠躬宣云履新之慶與公等  
同之舍人贊謝宣諭拜舞蹈五拜贊各祗候分班引出

引班首西階上殿奏表目訖教坊起居賀十二拜畢各祇候引契丹漢人臣僚并諸國使東西洞門入合班再拜親王自東階上殿就欄內褥位搢笏執臺璣進酒訖退復褥位置臺璣出笏少前俛伏自通全銜臣某等謹進千萬歲壽酒與殿下臣僚皆再拜鞠躬俟宣徽使稱有制親王以下再拜如初儀宣云飲公等酒與公等內外同慶舍人贊謝宣諭如初贊各祇候親王搢笏執臺璣殿下臣僚分班皇帝飲酒教坊奏樂殿上下臣僚皆



拜呼萬歲贊各祇候樂止教坊再拜皇帝卒飲親王進  
受殘復褥位置臺殘下殿復位合班再拜贊各祇候分  
班引出皇帝起詣皇太后殿臣僚并諸國使兩洞門入  
班稱賀進酒皆如皇帝之儀畢引出教坊入起居進酒  
亦如之

按冬至朝賀儀畧同正旦唯  
帝后並升殿坐與正旦異

常朝起居儀畧

臣僚朝服入朝各依幕次內侍奏班齊先引京官班於  
三門外當直舍人放起居再拜各祇候依次兩府以下  
文武官於丹墀內面殿立豎班諸司并供奉官於東西

道外相向立定當直閣使副贊放起居再拜各祇候退  
還幕次公服帝升殿坐兩府并京官丹墀內聲喏各祇  
候教坊司同北班起居畢奏事

金元旦上壽儀皇帝升御座鳴鞭報時畢殿前班小起  
居各復位立舍人引皇太子并臣僚使客合班入至丹  
墀舞蹈五拜平立閣使奏諸道表目皇太子以下皆再  
拜皇太子升殿就褥位搢笏捧盞盤進酒皇帝受置於  
案皇太子退復褥位轉盤與執事者出笏二閣使齊揖

入欄子內拜跪致辭云元正啟祚品物咸新恭惟皇帝  
陛下與天同休謹上壽庀伏願皇帝陛下萬歲萬歲萬  
萬歲祝畢拜興復褥位同殿下臣僚皆再拜宣答曰履  
新上壽與卿等內外同慶詞畢舞蹈五拜齊立皇太子  
搢笏執盤臣僚分班教坊奏樂皇帝舉酒殿上下侍立  
臣僚皆再拜皇太子受虛爵退立褥位轉盤盞與執事  
者出笏左下殿樂止合班在位臣僚皆再拜分引與宴  
官上殿次引宋國人從至丹墀再拜不出班奏聖躬萬

福再拜唱有勅賜酒食又再拜各祇候平立引左廊立  
次引高麗夏人如上儀畢分引左右廊立御果牀入進  
酒皇帝飲則坐宴侍立臣皆再拜進酒官接盞還位坐  
宴官再拜復坐行酒傳宣立飲訖再拜坐次從人再拜  
坐三盞致語揖臣使從人立誦口號畢坐宴侍立官皆  
再拜坐次從人再拜坐食入七盞曲將終揖從人立再  
拜畢引出闌曲時揖臣使起再拜下殿果牀出至丹墀  
合班謝宴舞蹈五拜引出

按金史禮志無冬至受朝賀之禮惟章宗本紀承安元年

十一月戊戌有事於南郊大赦改元己亥曹王永升率親王百官賀然此以南郊禮成受賀非冬至受賀也冬會之禮終金之世未行朝參常朝儀及朔望儀准前代制以朔日

六日十一日十五日二十一日二十六日為六參日後又定制以朔望日為朝參餘日為常朝國初凡朔望常朝日殿下列衛士簾下置甲兵海陵正隆初去甲兵惟存錦衣弩手百人分立兩階世宗大定二年五月命臺臣定朝參禮除殿前班外若遇朔望自七品以上職事官皆赴其餘朝日五品以上職事官皆赴如左右司員

外郎侍御史記注院等官職雖不係五品亦赴朝參凡親王宗室已命官者年十六以上皆隨班赴起居

元元正受朝儀前期習儀至期大昕侍儀使引導從護尉各服其服入奏外辦皇帝出閣陞輦鳴鞭三侍儀使并通事舍人分左右引擎執護尉劈正斧中行導至大明殿外劈正斧直正門北向立導從倒卷序立惟扇置於錡侍儀使導駕時引進使同內侍官引宮人擎執導從入至皇后宮庭報外辦皇后出閣陞輦引進使引導

至殿東門外引進使分退押直至墜塗之次引導從倒  
卷出俟兩宮陞座鳴鞭三劈正斧退立於露階東司晨  
報時雞唱畢尚引引殿前班皆公服分入日精月華門  
就起居位相向立通班舍人唱左右衛上將軍兼殿前  
都點檢臣某以下起居尚引引至丹墀拜位知班報班  
齊行三拜禮都點檢稍前宣贊報聖躬萬福都點檢復  
位再拜舞蹈三跪左膝三叩頭山呼三復行三拜禮宣  
贊唱各恭事兩班點檢宣徽將軍分左右升殿宿直以

下分立殿前俟后妃諸王駙馬以次賀獻禮畢尚引引  
丞相以下入就起居位如前通班唱文武百僚開府儀  
同三司錄軍國重事監修國史右丞相

具官  
無常

臣某以下

起居贊拜舞蹈山呼並如前儀侍儀使詣丞相前請進  
酒雙引升殿前行樂工分左右引登歌者及舞童舞女  
以次升殿登歌音中本月之律丞相至宇下褥位立侍  
儀司分左右北向立俟前行色曲將半舞旋列定通贊  
唱分班樂作侍儀司引丞相入宣徽使隨至御榻前丞



相跪宣徽使立於東南曲終丞相祝贊曰溥天率土祈  
天地之洪福同上皇帝皇后億萬歲壽宣徽使答曰如  
所祝丞相俛伏興退詣進酒位尚醞官以觴授丞相丞  
相搢笏奉觴北面立宣徽使復位前行色曲舞旋至露  
階上教坊奏樂樂舞至第四拍丞相進酒皇帝舉觴宣  
贊唱殿上下侍立臣僚再拜丞相三進酒畢以觴授尚  
醞官出笏復位樂止通贊合班禮部官押進奏表章禮  
物至橫階下讀表章官等至宇下跪宣表目畢退降第

一重階下立俟讀禮物舍人升階至宇下跪讀禮物目  
如上儀同降至橫階隨表章西行至右樓下侍儀仍領  
禮物東行至左樓下太府受之贊拜山呼如前儀僧道  
耆老外國蕃客以次賀禮畢大會諸王宗親駙馬大臣  
宴饗殿上丞相等升殿侍宴四品以上賜酒殿上五品  
以下賜酒於日精月華門下宴畢鳴鞭三侍儀使導駕  
帝后還寢殿如來儀

按元史禮志無賀冬之禮常朝之  
典亦未及舉每日宰執入延春閣

及別殿奏  
事而已

明太祖洪武二十六年定正旦冬至朝會儀先日尚寶司設御座於奉天殿及寶案於御座東香案於丹陛南教坊司設中和韶樂於殿內東西北向翌明錦衣衛陳鹵簿儀仗於丹陛及丹墀設明扇於殿內列車輅於丹墀鳴鞭四人左右北向教坊司陳大樂於丹陛東西北向儀禮司設同文玉帛兩案於丹陛東金吾衛設護衛官於殿內及丹陛陳甲士於丹墀至午門外錦衣衛設將軍於丹陛至奉天門外陳旗幟於奉天門外俱東西

列典牧所陳伏馬犀象於文武樓南東西向司晨郎報  
時位於內道東近北糾儀御史二位於丹墀北內贊二  
位於殿內外贊二位於丹墀北傳制宣表等官位於殿  
內俱東西向鼓初嚴百官朝服班午門外次嚴由左右  
掖門入詣丹墀東西北向立三嚴執事官詣華蓋殿帝  
具袞冕陞座鐘聲止儀禮司奏執事官行禮贊五拜畢  
奏請陞殿駕興中和樂作尚寶司捧寶前行導駕官前  
導扇開簾捲寶置於案樂止鳴鞭報時贊班齊大樂作

行四拜禮樂止典儀唱進表樂作給事中二人詣同文  
案前導引序班舉案由東門入置殿中樂止宣目官跪  
宣訖展表官取表宣表官至簾前衆官皆跪宣表訖序  
班舉表案於殿東衆官皆跪代致詞官跪丹陛中致詞  
云具官臣某茲遇正旦三陽開泰萬物咸新

冬至則云  
律應黃鐘

日當  
長至恭惟皇帝陛下膺乾納祐奉天永昌賀畢衆官皆

俯伏興樂作四拜興樂止傳制官跪奏傳制由東門出  
至丹陛東向立稱有制贊禮唱跪宣制云履端之慶

冬至

則云履與卿等同之贊禮唱俯伏興搢笏三舞蹈山呼  
長之慶

百官拱手加額呼萬歲三出笏俯伏興樂作四拜興樂  
止侍儀奏禮畢中和樂作鳴鞭駕興尚寶官捧寶導駕  
官前導至華蓋殿樂止百官以次出世宗嘉靖十六年  
改設蕃國貢方物案於丹陛中道左右定時鼓於文樓  
上大樂陳奉天門內其常朝御殿儀凡早朝文官自左  
掖門入武官自右掖門入如華蓋殿朝至鹿頂外東西  
序立鳴鞭訖守衛官至鹿頂內行禮訖就侍立位各衛

門官以次行禮訖有事奏者入奏事無事奏者四品以上及應升殿者入殿內侍立五品以下官出至鹿頂外列班北向立候鳴鞭以次出如奉天殿朝俱於華蓋殿行禮奏事畢五品以下官詣丹墀依品級列班重行北向立四品以上及翰林院官給事中監察御史等官於中左中右門伺候鳴鞭各詣殿內立候朝退捲班以次出如先於奉天殿朝後却奏事者文武官於丹墀內依品級重行北向立候鳴鞭行禮訖四品以上及翰林院

官給事中監察御史等官陞殿侍立五品以下仍前序立候謝恩見辭人員行禮訖鳴鞭捲班退有事奏者於奉天門或華蓋殿進奏無事奏者以次出穆宗隆慶元年都給事辛自修等以朝儀久曠班行不肅請令禮官考議成式禮部禮科會議國初定制百官以品序立其後更定又有不拘於品者如內閣官錦衣衛升立寶位之東西翰林學士列於僉都御史之上其他翰林官不論品級叙於京堂之內科道官自為一等列於部屬之



先及鴻臚寺尚寶司列於西階三科六道與東班對侍  
雖若次序參錯然或以顧問糾察或以奉事承旨莫不  
有困難以輕改今後常朝悉如此例其餘官員仍依品  
級崇卑衙門次序為例如有紊越聽糾儀官糾奏從之  
神宗萬曆三年令常朝日記注起居官四人列於東班  
給事中上稍前以便觀聽午朝則列於御座西稍南

時大

學士張居正奏國初設起居注官日侍左右實古者左  
史記事右史記言之制後定官制乃設翰林院修撰編  
修檢討等官蓋以記載事重設官加詳原非有所罷廢  
而自職名更定遂失朝夕記注之規以致累朝史文闕

畧臣等仰稽成憲凡常朝御皇極門每日輪該記注起居並史官共四人列於東班各給事中之上午朝御會極門列於御座西稍南專記言動詔依擬行

欽定續通典卷六十七